



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

### ზედგენიძეები

ზედგენიძეები, ზევდგინიძეები, ფეოდალური საგვარეულო აღმ. საქართველოში. 8. XIV ს. I ნახევარში დამკვიდრდნენ მდ-ების რეხისა და მეჭუდის მიმდებარე ტერიტორიაზე. XIV ს. 80-90-იან წლებში სამეფო კარის ერთგულებისათვის (იხ. თ. ზევდგინიძე) საგვარეულო საძვალედ მიიღეს შიომღვიმე. ალექსანდრე I-მა 8-ს დაუმტკიცა გორის მოურაობა, ამილახვრობა და სოფლები - კასპი, გომი, ნადარბაზევი - ყმა-მამულებით. პირველი ამილახვარი იყო თაყა ჭანიბეგის ძე ზევდგინიძე. აქედან მომდინარეობს ამილახვართა გვარი და სათავადო საამილახვრო.

ლიტ.: ბ ე რ ძ ე ნ ი შ ვ ი ლ ი ნ., ფეოდალური ურთიერთობიდან XV საუკუნეში, წგ.: საქართველოს ისტორიის საკითხები, წგ. 2, თბ., 1965; გ ვ რ ი ტ ი შ ვ ი ლ ი დ., ფეოდალური საქართველოს სოციალური ურთიერთობის ისტორიიდან (ქართლის სათავადოები), თბ., 1955.

*მ. ქიქოძე*